

Число 6.

Ужгородъ 1. юнія 1926.

Рочникъ VI.

БІЛОРУССІЦІК

Білорусь

Да-БСІ
ЄДИНО
БЎДСТВ

Iw. 31, на

ДУХОВНА ГАЗЕТА ДЛЯ РІДНОГО ПОВІТУ



„Свой до свого!“

„АКОРДЪ“

ПЕРША РУСЬКА ФАБРИКА
ЗВОНОВЪ ВЪ УЖГОРОДЪ

Найлѣпшѣ звоны править перша
руська ліярня звоновъ „АКОРДЪ“
Капиталъ создали сами наши люде.
Она заряджена по найновѣйшой
техницѣ и ведена перворядными
фаховцями. Мѣстности фабрики на-
ходяться около желѣзодорожної
станціи въ Ужгородѣ. Тамъ посто-
янно выставлены образцовы звоны.
! Найлѣпшій благородный металъ!

Спеціальна марка „Акордъ“ „А“ и „С“ звоны. 10-рочна гарантія.

Замовленя просимо адрессовати:

„АКОРДЪ“, ліярня звоновъ въ Ужгородѣ.

Канцелларія: Ужгородъ, Капитульна улиця ч. 11.

Замовленя можъ передати и въ Подкарпатскомъ Банку.

РУСИНЫ!

Не идѣть до чу-
жихъ, а подпирай-
те свої руськѣ ин-
ституції

СЛАВЯНЕ

Першимъ рускимъ ассекураційнымъ товариствомъ есть

„БЕСКИДЪ“

акційное ассекурадійное товариство — Ужгородъ.

Принимає ассекурації хижъ и всѣхъ движимостей
и недвижимостей противъ огня, противъ вломовъ,
принимає ассекурацію на житє, пензії и пр.

на дуже выгодныхъ уловіяхъ.

Ассекуруйте только у „БЕСКИДЪ“!

СВОЙ ДО СВОГО!

Глядаеме добрыхъ агентовъ.

Число 6. Ужгородъ 1. юнія 1926. Рочникъ VI.

БЛАГОВѢСНИКъ

ДУХОВНА ГАЗЕТА ДЛЯ ПОДКАРПАТСКИХЪ РУСИНОВЪ

ПРЕДПЛАТА:

на рокъ . . . 10.— Кч.
за границю . . . 20.— Кч.
до Америки . . . 1.— д.
Одно число 1 Кч.

Выходить разъ на мѣсяцъ

Адресъ:
Редакція: Kapitulska ulica č. 10.
Администрація: Монастырь О.О.
Василіан, Ужгородъ, Раковци 52.

ОБЯВЛЕНИЯ:

принимаются по ценѣ:
за одну стор. . . . 200 Кч.
за половину стор. . 120 Кч.
за четверть стор. . . . 65 Кч.

Схизма (раздоръ) у схизматиковъ.— Савватій называе Горазда еретикомъ.

Архиепископское посланіе.

У схизматиковъ уже отъ давнѣйшаго часу замѣчаеме раздоръ и несогласіе. Мало ихъ е, а однакожъ тягнуть на всѣ боки. Однѣ до Праги, другѣ до Бѣлграду, третѣ до Москвы, а зновъ одна часть до Константинополя. Разъ прииде сюда людей обманювати якійсь то Серафинъ, зновъ другій разъ Веняминъ, потомъ Савватій, за нимъ Гораздъ, всѣ говорять что они истиннѣ, твердѣ православнѣ и лише у нихъ можно найти душеспасеніе. Оденъ другого называе еретикомъ, Лутеромъ, наемникомъ діявола и взаємно проклинають другъ-друга и выключаютъ изъ царства небесного. Ся борьба до теперь продовжалася лише въ тайнѣ, але теперь вибухла на верхъ. Савватій, (чехъ) кто себе держить одинокимъ законнымъ епископомъ подкарпатскихъ схизматиковъ, выдавъ пастырскій листъ, въ котромъ подае вѣрный образъ его противника Горазда, кто зновъ себе держить законнымъ епископомъ схизматиковъ. Въ семъ посланію дословно*) пише:

„Въ послѣдныхъ дняхъ найшовся якійсь Гораздъ, переже латинскій плебанъ им. Маєй Павликъ (чехъ), потомъ

*) Лише правопись и страшное язычіе исправились, чтобы нашъ читатель могли порозумѣти.

же бискупъ ческоловенскоѣ церкви (гуситскоѣ) въ Оломоуцѣ, кто недорозумѣніемъ и обманомъ получивъ постановленіе въ епископа въ Бѣлградѣ одѣ Церкви Сербскої. Сей Гораздъ до року 1924. перебывавъ въ церкви ческословенской-протестантской, потому же помѣрковавъ, что хотять его зъ воттамъ выверечи, пришовъ до насъ и просився о принатію въ нашу Церковь. Мы же согласно св. канонамъ заповѣдали ему, чтобы представивъ намъ грамоту одѣ Церкви Сербскої. Але онъ ту грамоту представити не могъ, зато я его православнымъ никаки не признавъ. На се онъ подумавъ устроити якусь нову церковь по подобію большевицкоѣ „живоѣ церкви“ и соединився зъ англиканскою церковію въ Америцѣ. Для американскихъ православныхъ въедно зъ Дозифеемъ, епископомъ нишскимъ р. 1924, посвятили на епископа якогось Терека, жида мадярскаго, но американцѣ не хотѣли сего приняти, а онъ потому, якъ свѣтскій человѣкъ оженився. Про се оба епископы, посвячуючи Терека т. е. Досиѣй и Гораздъ подлежать суду церковному и низверженію изъ сана епископскаго“.

Въ дальшихъ розповѣдае Савватій, что Гораздъ въ Праѣ скликавъ якійсь тамъ церковный соборъ, на котромъ были и протестанты и римо-католики (?) и Савватія звергли изъ епископства и выбрали Горазда. Черезъ се — каже Савватій — Гораздъ одрекся одѣ православноѣ церкви и ставъ еретикомъ. Се дѣло было предложено министерству и такожъ и патріарху константинопольскому.

„Рѣженный же еретикъ Гораздъ — продовжае Савватій — незаконно одѣ еретиковъ провозглашеный епископомъ, самъ стриженный и бритый и носячій одежду мірянина начавъ для своеї беззаконої секты заводжовати обычай беззаконнѣ, змѣнивъ богослуженіе православноѣ церкви, запровадивъ латинскій календарь и иншѣ одѣ св. всел. Соборовъ осуженѣ обычай.

Сія вся вамъ зато напишу, понеже еретикъ Гораздъ хоче и до васъ пойти и тамъ свої беззаконї обычай проповѣдати, чтобы васъ обманивъ обманствомъ еще горшимъ одѣ обманстъ уніятскихъ (?!). Онъ хоче розбити Церковь православну и свою нечестиву секту въ насъ насадити; онъ не о православію ревнує, но о славѣ суетной, якъ колись реформаторы Лутеръ, Кальвинъ и прочѣ.

Зато возлюбленнѣ чада, стойте твердо въ вѣрѣ! Нечестивого же еретика Горазда и приверженцовъ его одганийте одѣ себѣ и зъ ними не держить никакихъ односинъ, бо кождий, кто зъ еретиками держить, самъ еретикъ есть.

1926. рок.

„БЛАГОВѢСТНИКЪ“

Сторона 83.

Розкажеме вамъ властю оть Бога намъ данною (??), чтобы не держали жадныхъ зносинъ зъ еретиками — Гораздомъ и приверженцами его. А если кто изъ священиковъ мимо сего нашего приказу тайно, або явно зъ ними держить, тому запримуємо всякъ богослуженія кончити доки не навернєся и розкається и лично передъ нами принесе достойный плодъ покаянія. Если же свѣтскій чоловѣкъ се робить, той одлучається одъ св. причащенія, доки не розкається передъ нашимъ священикомъ и отъ того розрѣшеніе пріймс“.

Архипастирское посланіе закончається сими словами:

„Богъ же мира най утвердить и оградить васъ одъ всякихъ напастей. Его благодать и безконечне милосердіе да будуть со всѣми вами. Аминь.

Савватій,

волею Божією Архіеп. Пражскій и всея Чехословакії.

Прага, 20. III. (2. IV) 1926.

Сіє посланіе належить прочитати народу въ церкви и такожъ розяснити подробно и въ вѣбогослужебныхъ собесѣданіяхъ“.

Такъ пише Савватій на свого товариша епископа Горазда. Се е то красное единство и согласіе что панує въ „святой и твердой православной“ вѣрѣ. Гратулеме вамъ! Лишь тыхъ нашихъ вѣрниковъ шкодуєме, котрѣ далися звести сими чужинцями, обманчиками и одступили одъ Христовоѣ Церкви. Съ слави „епископы“ наростили нашему доброму руському народови страшно много бѣды, зруйновали ихъ материально и морально причинили имъ страшнѣ выдатки и все то въ имени св. „православія“. Теперь уже и нашъ народъ може видѣти, где ихъ повели съ „вожды“ и что то е „православіе“. Сему лише однимъ способомъ можно помочи и то такъ, что рѣшучо оставити и Горазда и Саватія и Серафима и Венямина и всѣхъ другихъ обманительовъ и вернулися назадъ въ лоно Христовоѣ Церкви, где не е роздора, не е схизми, але благодать Божа и спасеніе нашоѣ безсмертної души.

Читайте и распространяйте „Благовѣстникъ“!



Стойте во вѣрѣ!

5. Неошибочность (непомыльность) Христовоѣ Церкви.

У попередныхъ числахъ „Благовѣстника“ раздумалисме надъ устройствомъ святоѣ, единоспасительноѣ Христовоѣ Церкви. Ми видѣли изъ науки Евангелія, что св. Церковь се не видумка людська, але что се дѣло самого Іисуса Христа, Спасителя нашого. Самъ Божественний Спаситель своею Божою властію зорганизовавъ (зобразивъ) своихъ вѣрныхъ въ одно, великое, святое товариство, въ одинокое стадо, в одну Церковь. Ся Церковь Христова буде стояти На конецъ свѣта, силы пекельнѣ еї не переможуть. Въ сей одной Христовой Церквѣ е чиста несфалшована наука Христова. Членом Христовоѣ Церкви мусить stati каждый, кому лежить на серцю справа вѣчного спасенія. Кто свѣдомо не хоче держатися единої Христової Церкви, тим паче кто самохотно отступає отъ единої Христової Церкви, сей зривае эъ самимъ Іисусомъ Христомъ, сей и спасеніемъ быти не може.

Сѣ правды певнѣ, вѣчнѣ, незмѣннѣ, бо опертѣ на словѣ неомыльного Бога! Запиши собѣ ихъ, брате солодкій, на самомъ днѣ свого христіянського серця!

Ізъ попереднихъ розважань пригадуete собѣ тоже, дорогѣ братя и сестры во Христѣ, что Господу Іисусу любилося устроити свою Церковь не на ладъ комунистовъ ци соціалистовъ, где что голова то розумъ, а радше, где безнастное замѣшаня и безголовіе, але Господъ Іисусъ своею Божою властію надъ своею Церквою, надъ своимъ Божимъ, избраннымъ стадомъ, надъ своими вѣрными поставивъ Апостоловъ и ихъ наслѣдниковъ епископовъ пастырями се e учительами и вождями на

дорозъ спасенія. Надъ всѣми же тими пастырями Апостолами и епископами, котрѣ мали по наказу Христа учили людей Божоѣ науки и провадити путемъ до неба, постативъ самъ Іисусъ Христосъ св. Петра и всѣхъ его наслѣдниковъ, римскихъ Отцовъ, по всѣ вѣки одинокимъ, найвисшимъ, первшимъ пастыремъ, учителемъ и проводникомъ до небесного царства. Такъ любилося Господу Іисусу, така его свята установа, того никто змѣнити не годенъ! Ци кому се по смаку ци нѣтъ, такъ оно мусить быти, бо така воля Божа!

Якъ неотмѣнно потребною е рѣчею быти членомъ единоѣ, святоѣ, соборноѣ (каѳолическоѣ) и апостольскоѣ Церкви Христовоѣ, такъ само неотмѣнно потребно до спасенія признати св. Петра Апостола и каждого его наслѣдника, римского Отца (папу), головою сеѧ единоѣ Христовоѣ Церкви и его якъ найвисшого Учителя и Пасытря Христового Стада держатися и слухати! Туй выкруту не е и быти не може! Каждый ци онъ Русинъ, Чехъ, Москаль, Словакъ, Румунъ, Полякъ, Нѣмецъ, ци кто тамъ е обовязаный зъ сею установою Іисусовою числится и еѣ держатися. Зъ Богомъ токмитися не можно!

Сегодня хочу еще въедно изъ тобою, солодкій брате, застановитися надъ одnymъ важнымъ дѣломъ, которое относиться до св. Церкви Христової.

Знаеме се всѣ изъ св. Евангелія, что лише въ единой, святой, соборной и апостольской Церквѣ Христовой можъ знайти чисту святу науку Іисуса Христа. Христова бо Церковь по наказу самого Іисуса Христа мае право а и обовязокъ проповѣдовати науку Божу, всѣ же люде довжнѣ сю науку Христовоѣ Церкви приймати и непоколебимо еї держатися. „Шедше ѿъш научите всѣмъ іаїики... ѿчаше іихъ влюсти всѣмъ єлїка заповѣдахъ вамъ“ (Мт. 28. 19—20) и: „Шедше въ мірѣ всѣ, проповѣдите єлїе всѣй твари. Іже вѣрїтъ іметъ и крестїтса, спасенъ будетъ: а Іже не іметъ вѣри, ѿважденъ будетъ“ (Мр. 16., 16).

Что же слѣдує изъ сихъ словъ Христовыхъ?

Изъ сихъ словъ Христовыхъ слѣдує, что св. Церковь Христова въ проповѣданю Божої науки не може похибити, не може помылится, або иншакъ, что св. Церковь Христова е неошибочною (непомыльною)!

А кто то у Церкви Христовой е непомыльнымъ? — звѣдаєшся може.

Непомыльными въ проповѣданю Христової науки суть изъ установы Іисуса Христа сѣ, котрыхъ Іисусъ Христосъ поставивъ пастырями и учителями у своеї Церквѣ, а ними, якъ знаешь се изъ св. Письма — суть Апостолы и ихъ наслѣдники епископы въедно зъ найвисшимъ учителемъ и пастыремъ св. Петромъ и его наслѣдниками, римскими отцями. Черезъ Апостоловъ и епископовъ, черезъ св. Петра и его каждочасного наслѣдника, римского отца, голосить свою Божу науку самъ

Іисусъ Христосъ. Апостолы въедно зъ св. Петромъ, епископы купно зъ Петровымъ наслѣдникомъ, римскимъ Отцемъ, суть якбы устами, черезъ котръ проповѣдае Божу науку св. Церковь Христова, а радше самъ Господь Іисусъ. Чтобы съ Христомъ поставленъ учитель, чтобы съ уста Христовоѣ Церкви нѣколи не помылисѧ, обѣцюе самъ Господь Іисусъ дати имъ на помочь св. Духа, Духа истинны, который буде ихъ всегда варовати передъ блудомъ и ложю (Іо. 16. 13), что больше самъ Іисусъ Христосъ выразно каже, что буде зъ Апостолами и ихъ наслѣдниками аж по қонецъ свѣта: „И се ѿзъ съ вами єсмъ по всѣй дній до скончанїя вѣка“. (Мт. 28. 20).

Правдою отже вѣри опертою на словѣ и установѣ Іисуса Христа е, что св. Церковь Христова, котра чрезъ епископовъ въедно зъ наслѣдникомъ св. Петра, римскимъ Отцемъ, учить нась, въ что намъ треба вѣрити и якъ чинити, обы быти спасеннымъ, не може николи помылится и что лишь она одна може намъ дати запоруку, что ся ци иша наука е певна и Богомъ обявлена!

Зверни одначе, брате солодкій, увагу еще на розлуку, яка заходить меже Апостолами и ихъ наслѣдниками епископами, а Пётромъ и его наслѣдникомъ, римскимъ Отцемъ. А важное се дѣло добре знати сесю розлуку, чтобы не было баламуты, якъ се чинять деякѣ нашѣ отступники а хотѣбы и нашъ Георгій Михайлукъ, зъ котримъ мы уже и переже займалися.

Св. Петро иаждочасный его наслѣдникъ, римскій Отецъ, по волѣ и установѣ Іисуса Христа мае быти Пастиремъ и Учителемъ не лемъ звычайныхъ вѣрныхъ, но и самыхъ пастырей и учительовъ, то е всѣхъ епископовъ. До него бо одного каже Господь Іисусъ: „Пасї їгнцы мої!“, а ажъ двѣчи поручає ему: „Пасї ївцы мої!“ (Іо. 21. 15—17). Симъ словомъ передає ему Іисусъ Христосъ не лише „ягнѧта“ се е звичайнихъ вѣрниковъ, но и „овци“ се е пастирь-епископовъ. Св. Петро и каждый его наслѣдникъ, римскій папа, має право и обовязокъ пасти цѣлое стадо Христово, всѣхъ членовъ Христової Церкви, а пасти людей розумныхъ значить учити ихъ наукою Божою и управляти ними. Не травою бо, ци половою або команицею кормиться душа людска, але правою. Брехня же и блудъ заслѣплює душу и завдає єї смерть. Если отже римскій Отецъ, наслѣдникъ св. Петра, забирає голось и оголошує якусь науку яко найвисшій Учитель и Пастирь св. Церкви и то про цѣлу Церковь, про всѣхъ вѣрныхъ, тогда онъ не може помылится, тогда его наука е правдива, тогда всѣ вѣрнѣ и всѣ епископы довжнѣ приняти сесю науку, бо тогда черезъ него Христосъ учить и своею силою варує его передъ блудомъ и ложю! Сеся правда пливє зовсѣмъ ясно изъ словъ Божественного Спасителя записанихъ у св. Іоанна: „Пасї їгнцы мої“, „Пасї ївцы мої“, (Іо. 21. 15—17), а котрими поставивъ его и всѣхъ его

наслѣдниковъ найвысшимъ пастиремъ и учителемъ надъ цѣлою своею Церквою. Та треба мати розумъ въ головѣ и простое серце въ грудяхъ, чтобы сю правду зрозумѣти!

Коли бы бывъ и Михайллюкъ удумався въ установу Божественного Спасителя, то бывбы певно доглянувъ тамъ сю правду и не бывъ бы поставивъ не дуже то розумный вопросъ: „Где е написано, обы одно лице (особа) поставило правила за усю Греко- и Римскую Церковь, догматы и обы папы были непогрѣшимъ?“, ибо сеся правда мѣститься и ясно пливє изъ выразныхъ словъ Іисуса Христа. Сеъ преважноѣ про спасеніе душъ правды держалися черезъ всѣ вѣки вѣрнѣ Христовѣ, а визнали еѣ выразно и оголосили всьому свѣтови епископы собравшися на вселенскомъ соборѣ въ Флоренціѣ (1439 г.) и въ Римѣ (1870 г.) Сего однакъ якъ и многихъ іншихъ правдъ не почувъ Михайллюкъ отъ схизматицкихъ батюховъ, бо они ихъ самъ не знаютъ иproto крутять свѣтомъ и баламутятъ людей.

Годиться еще туй зазначити, что не ошибочность ци непомыльность не е то само, что непогрѣшимость Христова Церковь николи не учила, что римскій отецъ не може согрѣшити (онъ може согрѣшити якъ и кождый інший чоловѣкъ) але едина, свята, соборна (католическа) и апостолска Церковь учить и всѣ вѣрнѣ Христовѣ непохитно вѣрують, что Римскій отецъ не може голосити ложноѣ науки, коли яко найвысший пастирь и учитель св. Церкви оголошуе цѣлой Церкви якусь науку, котра доторкается вѣры або обычайовъ (моральности). Схизматицкѣ агитаторы пройдисвѣты нарокомъ перекручують сею правду и кажуть безочливо, что римскій отецъ приписуе себѣ непогрѣшимость. А се крутѣство и брехня, якихъ кождый честный чоловѣкъ соромиться!

Звѣдуетсѧ еще Георгій Михайллюкъ: „Ци признае Римска (каѳолическа) Церковь седмъ вселенскихъ соборовъ?“ (Вопросъ 4-ий при конци). Изъ симъ вопросомъ будеме — дастъ Богъ — займатися во слѣдуючомъ числѣ, а тепер еще совѣтуєме нашему братови Михайллюкови позвѣдатися схизматицкихъ баламутовъ: „Котрый то вселенскій Соборъ опредѣливъ (учивъ), что римскій отецъ яко голова и найвысший учитель св. Церкви може зблудити и что его не треба честовати и слухати?“. Ану, який отвѣтъ они дадуть?!

(Молотъ.)

Въ кождомъ христіянскомъ домѣ повинна читати
ся газета „Благовѣстникъ“. Онъ не только обороняє
и укрѣпляє вѣру, но одновременно ширить хри-
стіянскій духъ и культуру.

Новый символъ вѣры т. е. Вѣрую для російскихъ „православныхъ“.

Въ Росіѣ повстала нова „православна“ вѣра, та достала и новое „вѣроисповѣданіе“ подъ командою жидовъ-комунистовъ; иproto и такое жидовско-коммунистичное ихъ „вѣроисповѣданіе“. Помѣстиме тутъ сей „Символъ вѣры“, чтобы розплакалися нашъ схизматики куда ихъ хотять завести батюшки и комунистичнѣ агитаторы.

„1. Екърю во єдиню Беликю Силъ, сотворившю небо и землю и міры видимые и невидимые.

2. Ко єдиное соборное человѣчество и среди него величаго человѣка Бога, называемаго Іисусомъ Христомъ.

3. Который всѣми естествами человѣческими родиася отъ Дѣви Маріи.

4. Который ради нашего спасенія пострадалъ за оученіе свое при Понтійскомъ Пилатѣ и былъ расплатъ на дрえѣ Креста, оумеръ и погребенъ былъ и отъ человѣковъ обожествленъ былъ за дѣланіе свое и до неба преъвзнесенъ былъ.

5. И въ дѣла соборнаго человѣчества, который во всѣхъ наск пребылъ Богомъ развма и творилъ великія дѣла міра.

6. Исповѣдю полъз очищенія передъ Господомъ человѣкомъ Іисусомъ грѣховъ своихъ и тѣгость сердца своего.

7. Исповѣдю єдино крещеніе.

8. Исповѣдю єдино христіанское православное россійское єпископство, священство и діаконство.

9. Ожидаю съда надъ сокѣстью дѣшъ нашихъ послѣ смерти нашей.

10. Екърю въ бѣдствію безконечную жизнь дѣла человѣческаго — дѣла развма нашего.

11. Екърю въ жизненность и дѣшеспасительность оученія Христа, составленнаго четырьма Євангелістами, Матеемъ, Маркомъ, Лѣкою и Іоанномъ личными свидѣтелами жизни и оученія Христа, изложеннаго и обожествленнаго.

Составлено по благодати Епископомъ Митрополитомъ, Евдокимомъ, Предсѣдателемъ московскаго Св. Синода Обновленческой (живой) церкви“.

Се вѣроисповѣданіе е также творомъ головою россійскої церкви, еретика, предсѣдателя святѣйшого Синода, Евдокія. Не Христосъ, не соборы, не церковь составили, але на приказъ жидовъ-комунистовъ Евдокій предсѣдатель „святѣйшого“ синода.

Что на се кажуть нашъ твердъ „православнѣ“? На основѣ сего вѣроисповѣданія россійскѣ схизматики (а зъ ними и нашъ):

1. Не могутъ вѣровати въ Бога, лише „въ єдиню величю Силъ“.

2. Христосъ не е Богомъ „скѣтъ отъ скѣта, Богъ истинній отъ Бога истина“, лише „великимъ человѣкомъ Бога“.

3. Не вѣруе въ Христа „коплотившагося отъ Духа святаго“, лише въ „рожденна всѣми человѣческими естествами отъ Дѣвы Маріи“.

4. Христосъ не воскресъ, лише „обожествленъ быль отъ человѣковъ за дѣяніе свое“.

5. Не признае Духа святого, лише „въ духа соборнаго человѣчества“ вѣруе.

6. Мѣсто тайни покаянія признае лише „пользу очищенія передъ Господомъ человѣкомъ Іисусомъ грѣховъ своихъ“.

7. „Чаю воскресенія мертвыхъ и жизни будущаго вѣка“ цѣлкомъ вылишено.

Адде масте солодкѣ православнѣ! Се ваша платня, что залишилисте свою прадѣду гр. каѳ. вѣру и сталисте схизматиками! Гратулеме вамъ и вашимъ батюшкамъ. А теперь скажѣть ци можъ еще вать „православными“ называть, або хоть лишь христіянами?! Се вамъ най потолкують батюшки вашѣ!

Передали Церковь и въ Копашньовѣ.

„Ганьба утѣкати, але хосенное“, батюшка въ темницѣ.

На конци концовъ пришла черга и на переданя церкви въ Копашньовѣ. Туй бывшій бохтеръ (ночный сторожъ) Юра Кенизъ державъ православный фронтъ и кидавъ ядовитъ кулъ противъ наслѣдника св. Петра, противъ гр. каѳоликовъ и противъ ихъ священниковъ. Зорганизовавъ себѣ гарду изъ 12 молодыхъ „апостоловъ“, котрѣ огнемъ и битками розширяли „православіе“ и навертали тыхъ котрѣ держалися своего здорового разума и не зрадили свою гр. каѳ. вѣру.

Для подкрѣпленя фронта прикликавъ Юрко изъ Праги себѣ на помочъ бискупа Савватія. Савватія 10-го мая дѣйстно пришовъ, але и се не много помогло.

Того дня въ ночи пришло великое число жандаровъ въ село и обняли церковь. А схизматики, изъ большоѣ части жоны, як настало рано, почали збиратися около фары, где перебывавъ Кенизъ зъ своими „апостолами“.

Пришли и урядники изъ Хуста и окружный начальникъ др. Германнъ. Саме перве закликали схизматицкій церк. комитетъ и п. окр. начальникъ потолковавъ законы и прочитавъ имъ разсуды и возвавъ ихъ, чтобы честно и мирно oddали всѣ матетки греко-каѳоликамъ и чтобы обовязалися, что въ селѣ дале не буде ніяких непорядковъ. За се обѣцявъ имъ, что за передачу не будуть мати ніякихъ новыхъ коштовъ. (До теперь мають уже 126 тысячъ кор.).

Але Юркомъ збаламученъ схизматики не слухали розумноѣ бесѣды и не хотѣли передати ключи окружному начальнику. Тогда выдали розказъ замкареви насилою отворити дверъ. Коли се зроблено, молодый гр. каѳ. священникъ др. Миня пересвятивъ церквь, что осквернили бохтерскими еретичными оддравами.

Подъ Богослуженіемъ Юрко зобравъ въ фаръ великое число жонъ, дѣвокъ и дѣтей (бо якъ Кенизъ каже, ихъ не ъмить право) и тамъ приготовилися до войны. Набрали собѣ камъня, древа и киплячили воду. Людей тамъ не было, хиба 2—3, бо другъ уже всѣ сидѣли або платили за Кенизову политику, та боялися замѣшатися въ се дѣло.

Окружный начальникъ розказавъ отворити дверъ, але схизматики не хотѣли; замкарь такожъ не могъ отворити, бо схизматики зъ внутра подперли и держали. Тогда на возваніе окр. начальника прискочили охотнѣ гр. каѳ. хлопы и скырями розбили дверъ. *Тогда схизматики почали камъня метати, киплячою водою жсихати и древами бити жандаровъ и нашихъ вѣрниковъ.* На се жандары вычистили фару и розкиряли схизматицкихъ геройовъ. Пан бохтерь-батюшка черезъ окно хотѣвъ выскочити, але якъ увидѣвъ подъ окномъ жандаря напудився и выбѣгъ на дворъ и черезъ обклоды утькавъ, на одномъ и завадився (бывъ реготъ великій) и такъ щастливо удався до лѣса, где 2—3 дни въ гунѣ скрывався, а потомъ самъ пошовъ до Хуста и мелдовався у жандаровъ, котръ его посадили въ темницю.

Такимъ чиномъ ратовавъ свое житѣ той „православный“ батюшка, кто своимъ вѣрникамъ постоянно то проповѣдавъ, чтобы не боялися и умерти за вѣру и не шкодовали за вѣру и волы, коровы продавати.

По завойованю фары, гр. каѳ. зобрали его мебль и хотѣли вывезти на границю села; але потомъ полѣвили и склали на дворѣ одного тамошнаго газды.

Надъ бѣднымъ батюхомъ сповнилися слова Писанія: якою мѣрою ты мѣрявъ, такою мѣряли и тебѣ; и кто другому яму копле, самъ впаде въ ню. Кенизъ давъ выметати изъ фары о. духовного Кричфалушія въ Чумальовѣ, а теперь его выметали. Передъ пару тыжднями еще хвалився и дуривъ людей, что має письмо, въ котромъ стоять, что може церквь затабеловати, которое письмо подпісавъ и епископъ Петро и что за бываня на фарѣ лише 10 коронъ має платити на рокъ.

Теперь схизматики дуже нарѣкають на Кениза, что въ яку бѣду завювъ ихъ и страшно жалують, что далися здурити его порожними обѣцянками и брехнями. А у гр. каѳоликовъ е велика радость, что по тяжкихъ бояхъ и терпѣніяхъ на концѣ добилися своихъ правъ. Вдячнѣ дуже Преосвященному, что давъ имъ ревного священника о. др. Милю, кто семинарію въ

Римъ кончивъ, тамъ где спочивають моши св. апостоловъ Петра и Павла и многихъ другихъ мучениковъ. Изъ нашихъ вѣрниковъ на наибольшу похвалу послужили на самъ передъ Михаиль Гелебанъ, ревный борецъ вѣры гр. каѳ-оѣ, кто устно и письменно, дѣломъ и словомъ постоянно войовавъ, чтобы побѣдила правда. Окремъ него выславився въ сей честной борьбѣ Гангуръ Иванъ, бывшій староста, а теперь кураторъ, котрого еднъ и теперь грозять смертю. Публичну подяку маеме выявити и окр. начальнику п. Германови и гол. нотареви п. Лебедѣ, котрѣ своею енергіею много помогли, чтобы побѣдила правда и честованъ были законы и розпорядженія Республики. Честь и слава имъ!

Что дѣлаютъ американскѣ дѣти для священничого и монашаго покликаня.

Епископъ въ Питсбургу (сѣверна Америка) зарядивъ въ 1924. роцѣ на праздникъ Сошествія Св. Духа окремиши молитвы, чтобы Духъ св. разбудивъ въ каѳолической молодежи якъ наибольше покликаня до священничого и монашаго житья. Зарядивъ, чтобы тѣ молитвы съ особлившою ревностію были окончованы въ парохіальнихъ школахъ, якъ по большой части посещаютъ майже всѣ каѳолическѣ дѣти. Священники при той нагодѣ такъ въ школѣ якъ и въ церкви най говорять о великомъ достоинствѣ того покликаня. А на конци того набоженьства най звѣдаются у молодежи, кто спомежи ныхъ чувствує во своемъ сердцѣ до священнического або монашаго званя, та о семъ най письменно повѣдомить епископа. Розумѣяся, молодежи треба було пояснити, что тата заява не есть жаднымъ обовязаніемъ и что кождый рѣшиться, коли выросте.

Успѣхъ бывъ справдѣ понадъ очекованьемъ. Зголосилося до епископа 7000 хлопцівъ и дѣвчатъ. И епископъ кождому зъ ныхъ отписавъ и подяковавъ. И зоставъ зъ ными дальше въ связи. Опредѣливъ окремного секретаря, чтобы провадивъ протоколь о всѣхъ, котрѣ заявилися.

Лоньского року епископъ всѣмъ кандидатамъ на праздникъ Сошествія Св. Духа и Рождества благо пожелавъ, чтобы памятали на свое постановленіе. А дѣти отповѣли своему епископови дуже сердечно. Кождому се ясно, что 7000 кандидатовъ для одной епархіи превелике число и что оно съ часомъ зменьшиться.

На послѣдніе поздоровленіе и желанье отвѣтило епископу уже лишь 5000 кандидатовъ. И то число зменьшиться, але се певне, что многи съ тѣхъ дѣтей побольшать въ той діецезії. число священниковъ и монаховъ.

Мѣсячное намѣреніе для членовъ Апостолства молитвы.

Мѣсячное намѣреніе на юній:

Чтобы Господь Іисусъ благословивъ народамъ, котрѣ посвятилися Его Пресв. Сердцу.

„Безъ мене не можете творитиничегоже“ (Іо. 15, 5). Каже Божественный нашъ Спаситель. Аны жаденъ чоловѣкъ зъ окрема, ни родина, ни народъ ни держава не могутъ быти тымъ, чимъ довжнѣ быти безъ Іисуса Христа и Его благодатей. Безъ Него не буде у нихъ правдивого свѣтла правды, не буде надприродного богоугодного житія, не буде спасенія. Не лишь поодинокимъ людямъ, не лишь родинамъ, але и цѣлымъ народамъ обѣцяе Господь не ставити границъ въ удѣлованю своихъ небесныхъ ласкъ, если они будутъ почитати Его Божественное Сердце. Такими народами опѣкуется Божое Сердце, оно стереже ихъ передъ ворогами, благословить ихъ благороднымъ змаганямъ, дае имъ свободу Божихъ дѣтей, однимъ словомъ у такихъ народовъ цвѣте культура, у нихъ добробыть, такимъ народамъ гараздъ ведеся. Но и якъ бы имъ мало быти не добрѣ при люблячомъ Сердцу всемогучого Бога и Пана всесвѣта? У Его рукахъ лежить доля каждого чоловѣка и всѣхъ народовъ и державъ. Счастливый народъ, счастлива держава, что живе въ пріязни зъ своимъ Богомъ и Паномъ. Но горе чоловѣкови, горе народамъ и державамъ, котрѣ стануть на военной стопѣ зъ Іисусомъ. „Падай на камени сѣмъ сокрушится: а на немже падетъ, сотрется и“. (Мат. 21, 44). Загине, пропаде марно, кто важиться спротивитися Спасителеви свѣта! — Зрозумѣли сію правду вѣруючі народы и посвятилися цѣлѣ Христовому Сердцу. Чрезъ се хотѣли они быти записанѣ въ всемогучомъ, люблячомъ Сердцу Спасителя и изъ Него черпати всякое добро.

И нашъ руській народъ любить Христове Сердце. Оно и за насъ смутилося, кервавилося, терпѣло и умерло. И мы русини безъ Господа Іисуса не будеме счастливѣ, не опремеся напастямъ, не осягнеме правдивоѣ свободы. — Молѣмся въ семъ мѣсяцѣ, чтобы Господь Іисусъ зглянувся и на нашъ бѣдный руській народъ, чтобы у насъ была едность, чтобы освободивъ насъ отъ сѣвачовъ роздора, ереси и безвѣря, чтобы бывъ у насъ всѣхъ духъ Христового Сердца, чтобы и руській народъ записаный бывъ въ Сердцу Спасителя!

В. С.

Читайте и разпространяйте

„Благовѣстникъ“!

1926. рокъ.

„БЛАГОВѢСТИКЪ“

Сторона 93.

Первое паломни́цтво гр. кат. русиновъ дня 3—6 юлія, 1926. на Велеградъ.

Братя и сестры! Кого мы должны благодарити, что при богослуженію употребляеме славянского языка? Св. нашихъ Отцовъ и Апостоловъ Кирилла и Методія! А где першій разъ принесена Богу безкровна жертва славянскимъ языкомъ? На Велеградъ на Моравѣ!

Благодарность до св. нашихъ Отцовъ намъ приказуе, подяковати Богу за благодать св. вѣры и слав. обряда на томъ св. мѣстѣ, где першій разъ звутили славянскѣ богослуженія.

Мы потребуеме и силу! Князъ тьмы агитуе между нашимъ народомъ, чтобы насъ зорвавъ до тьмы духа, до схизмы, до нещастя у якомъ самъ знаходитися. Силу въ борьбѣ знайдеме надъ гробомъ св. Методія на Велеградѣ.

Св. Методій зъ своимъ братомъ св. Кириломъ, якого тѣло одпочиває въ Римѣ, напевно будуть просити Бога, чтобы не угасла вѣра у вѣрномъ руськомъ народѣ.

Приготовляйтесь братя на се первое наше паломни́цтво на Велеградъ и покажъть, что въ руськомъ серцю не выгасла благодарность до нашихъ св. апостоловъ Кирилла и Методія!

Окремый поїздъ министрствомъ желѣзницъ уже забезпечений, такожъ 33% знижка. Каждый паломникъ долженъ мати легитимацію, котра дає право на паломничій поїздъ и на которую достане знижку у касы. Легитимацію выдаютъ оо. Редемптористы, управлятель паломни́цтвъ и участники могутъ получить у парох. урядѣ.

Програму будеме постепенно зголосовати.

ОО. Місіонарії Редемптористы
въ Стропковѣ.

Адресса: Monastir Redemptoristov Stropkov, Slovensko.

Прощеніе къ Впр. ОО. Приходникамъ! И къ вѣрникамъ гр. каѳ. обряда!

Зъ глубочайшимъ смиреніемъ въ имени любицкихъ (Ľubica spíšska ž.) гр. каѳ. вѣрниковъ обратаюся къ Вашимъ Высокопреподобіямъ, къ Вамъ дорогіи вѣрники гр. каѳ. обряда, чтобы змилосердствовалися надъ моими вѣрниками, котрѣ не мають своего Дома Божого, и хотять вибудовати, но самѣ не въ состояніи на великѣ выдаткѣ и просить о помошѣ Вашихъ В преподобій.

Мѣсто Любица подаровало грунтъ З угра цѣлкомъ даромъ. Въ Америцѣ тоже зачалася колекта на будованіе церкви. Если не возможно было бы каждой парохіи выголосити, что одну недѣлю оферовали бы вѣрники на будучу Любицу гр. каѳ. церковь, гдѣ 74 фамиліи безъ Храма Божого, — съ тымъ бы передъ Богомъ всѣхъ — всѣ велику заслугу здѣлали собѣ.

А естли же находяться въ даякой церкви, яки нибудь церковни вещи, на котръ потребу уже не мають, а еще можно уживати, то радостно съ наибольшою благодарностею принимаеме и почтови выдатки заплатиме.

Между евангеликами а нѣмцами опасность грозить нась, что цѣлкомъ забудутъ нашъ вѣрники о своей вѣри, обрядѣ и языку.

Най Всевышній Господь допоможеть намъ, чѣмъ скорѣе выбудовати Домъ Бога живого на высшу славу Его!

Всѣ дары проситься заслати на гр. каѳ. пар. урядъ въ Hodermark, pp. Holulomnica, жира XIX.

Георгій Качмарекъ,
гол. кураторъ.

О. Владиславъ Манойловъ,
приходникъ.

НОВОСТИ

— Памятникъ гр.-каѳ. священикови. Въ Ужгородѣ 16-го мая одслонили памятникъ о. Евг. Фенцика, бывшого гр. каѳ. священика, кто еще подъ мадярскимъ панованьемъ своими руськими письмами воздержавъ руський духъ на Подкарпатю. Его дѣятельность е явнымъ доказомъ тоѣ неопроверженоѣ правды, что за часовъ мадярскихъ единственно нашъ священики працовали въ руськомъ дусѣ и хоронили руську бесѣду и руську мову. Тѣ священики, которыхъ пройдисвѣти схизматицкѣ агитаторы мадяронами и зрадниками руського народа осмѣляютъ называть. Великое здивованя зробило то, что на празднику одного „уніятскаго священика присутнѣ были и вожды схизматиковъ а имено Гагатко и его товариши зъ старымъ Мегешомъ. Навѣть одень схизматикъ галичанинъ пришелецъ Вергунъ и бесѣду державъ на честь уніятскаго священика и выхваловавъ его заслуги. Дивна то политика сихъ вождовъ схизматиковъ. Въ Ужгородѣ выхвалюють уніятскихъ священиковъ и празднують ихъ память, а на селѣ передъ народомъ всякимъ болотомъ обкидають ихъ. Чудна рѣчъ, что сего нашъ люде еще до теперь не утимили. Впрочемъ туй маеме зазначити, что наибольшою заслугою б. Ев. Фенцика е то, что въ своихъ позднѣйшихъ рокахъ выдававъ газеточку для народа, въ которой усиловався писати по народному, бо порозумѣвъ, что для народа лише народнымъ руськимъ языкомъ можъ писати.

1926. рокъ.

„БЛАГОВѢСТНИКЪ“

Сторона 95.

— Передають церкви. Жупан-
скій урядъ въ Мукачовъ уря-
дово повъдомивъ епархіальное
правительство, что одѣ 15-го
мая начинается переданя церк-
вей гр. католикамъ въ цѣлой
Бережской жуппъ. Увидиме!

— Евхаристичный конгрессъ
всесвѣтный буде въ мѣсяця юнія
въ Чикаговѣ (Америка) Подкар-
патскихъ русиновъ на конгрессъ
представляти буде преосв. Ня-
радій, епископъ пряшовскій и ка-
ноникъ Шуба. На конгрессъ уча-
ствовать буде около 5 милліо-
новъ людей изъ цѣлого свѣта.

— Въ оборонѣ науки вѣры.
На конгрессъ учителей (10-го
мая) народного напряма говори-
лось о реформѣ середніхъ школъ.
Проф. Бронзей въ своемъ рефе-
ратѣ подчеркнувъ потребу вы-
учования религії, что е крѣпкою
основою морального выховання
молодежи. Конгрессъ бурливыми
оплесками демонстровавъ въ ин-
тересѣ выучования религії въ
середніхъ школахъ и одного-
лосно принявъ проектовану ре-
золюцію. Честь и слава вамъ
ревнѣ учителѣ и профессоры!
На конгрессъ предсѣдателемъ
бывъ посолъ Волошинъ.

— Въ раю схизматиковъ. Въ
Нижнемъ Синевирѣ пристигаютъ
овочь схизматицкоѣ науки и вы-
хованія. Якъ намъ доносять, 9-го
марта якъ нашъ священникъ дѣ-
тину крестивъ въ церкви, подъ
св. обрядомъ забѣгли до церкви
12—16 рочнѣ школярѣ и зачали
тамъ вискати, кричати, дубонѣти
и у дверѣ дуркати такъ, что о.
духовный принужденный бывъ
отправу перервати и выгнати
малыхъ схизматиковъ большеви-

ковъ. Дѣло было заявлено ди-
ректорови школы, кому дѣти
призналися, что на то нагово-
рили ихъ родичѣ и розказали
имъ де лишь можуть беспоко-
ити св. обряды. Другого дня
ишовъ о. духовный до умераю-
чого зъ св. Тайнами. На пути
стрѣтився зъ 14—15 рочными
схизматичками. Дѣвки не то, что
не поклонилися найсв. Тайнамъ,
але всякими паскудными, без-
стыдными рухами безчетиши и
высмѣвали св. Дары. Изъ сего
явно, якъ здичують звычаѣ въ
тыхъ селахъ, где батюшки про-
повѣдаютъ „Слово Божое“. Се
принесли намъ „православнѣ“
апостолы и ничего иншого.

— Комунисты постоянно во-
юють противъ христіянства. Въ
каждомъ числѣ низкимъ тономъ
нападаютъ на Церковь, на свя-
фенниковъ. Другимъ религіямъ
дають покой, лишь христіянство
имъ очи коле. Въ останномъ чи-
слѣ „Карп. Правды“ подъ заг.
„Пасха“, якійсь жыдчукъ высмѣ-
ває найважнѣйшу правду нашоѣ
вѣры, одкупленіе рода людскаго,
смертну крестъ и воскресеніе
Іисуса Христа. Осмѣляе писати,
что смерть Іисуса Христа „се
думка дикуна, ничего по-
учаючого въ ней нема“. Но
премудро мовчить о томъ,
что умершій Христосъ у третій
день своею силою торжественно
воскресъ! И якъ і сего видно,
веденіе партії комунистовъ е въ
рукахъ лютыхъ вороговъ хри-
стіянства, котрѣ дозволяютъ со-
бѣ всякѣ богохульства, знаючи,
что Русинъ чужимъ все позво-
лить, позволить жыдчукамъ, пла-
ченымъ изъ касы партії, изъ

зкладоκъ самыхъ русиновъ, об-
кидати болотомъ лайок въру
Христову, переслѣдованіемъ хри-
стянства. Жиды-редакторы ко-
мунистичныхъ газетъ діяволскою
злобою переслѣдують лишь одну

въру, въру Христову, и ни слова
не має противъ жидовскихъ су-
евѣрій. Честный христіянинъ не
пустить у свою хату таку бого-
хульну газету.

Подписань проглашують, что статя опубликована въ
Благовѣстнику (ч. 2. роч. IV. изъ 15. фебр. 1924.) а въ ле-
таку „Свѣтло“ односно до Мих. Коута оснуєся въ несправ-
ныхъ информаціяхъ. Потомъ проглашують, что не могутъ
приватного обвиняючого о даякихъ несправныхъ учинкахъ а
особливо о непристойномъ односеню къ женскимъ особамъ об-
виняти.

Василь Режанюкъ.
Ем. Бокшай.

Переписка редакції.

М. Гел. Цѣлкомъ дословно не могли помѣстити вашу статю, бо не го-
диться выписати подробности утечи батюшки черезъ плотъ. Дякуеме за за-
слану статю.

О. Леднай Америка. Письмо ваше и доллары достали. Все въ порядку
е. Предплата ваша до 31. XII. 1925. выровнана. Засланъ календаръ такожъ
выплачено. Щирое поздоровленіе.

В. Симканич, С. Бронька. Въ вашом письмѣ пишете, что въ яку бѣду
завели батюхи нашъ народъ и что уже многѣ вытвerezилися и хотѣли бы ся
вернутi но ганьбляться. Се не лише у васъ е, але всягде на Подкарп. Руси.
Они помало упадуть, бо ихъ вѣра не будована на твердомъ камени Христа,
лише на пѣску. И сю вѣру не любовю, але ненавистю и розбойомъ роз-
ширяють. Шкодовати треба лише нашъ бѣдный народъ, что дався звесги
ними. Пишѣть и другiй разъ.

Б. Н. Новоселиця. Донесли намъ, что Гораздъ бывъ и у васъ на „по-
священiu“ церкви. На его приходъ схизматики запалили гр. каѳ. церковный лѣсъ,
что передъ 4 днями гр. кафт.-и выправотили одъ схизматиковъ. Про-
цесiй было 4 а батюшокъ 6. Попереднього дня якъсъ другъ батюшки ходили
въ сель котрѣ говорили, что не признаютъ Горазда, бо не має бороды. Лю-
дямъ дуже не любилося, что Горазд не знає по руськи говорити и лише по
чески казавъ дасколько словъ. И то оскорбило вѣрниковъ, что Гораздъ и его
секретарь не хотѣли зъ „простаками“ обѣдати, але пошли до одного ческого
пана на обѣдъ.

Ст. Росоха, Берегово. Статя твоя живо написана. Вдячно помѣстиме
одъ тебе и іншѣ такого роду посланiя. Ци не знавъ бысь написати оповѣ-
дання зъ ролигiйнимъ змѣстомъ изъ усть народа?

Выдає: Монастырь О.О. Василіянъ
въ Ужгородѣ.

Отвѣчательный редакторъ:
Емиліянъ Бокшай.



Заложуйте свои вкладки до Централі або до філіялів

ПОДКАРПАТСКОГО БАНКА

Стан вкладок повище 10,000.000 Кч.

В всяких фінансових и господарских дѣлах доставить Вам скору, точну и безплатну пораду

ПОДКАРПАТСКІЙ БАНК В УЖГОРОДЪ

Своими заощаджеными гелерами при доброму опроцентованю капитала подпираите свой народный

ПОДКАРПАТСКІЙ БАНК В УЖГОРОДЪ

Свой до свого! Истинно народна, руська и славянска інституція

ПОДКАРПАТСКІЙ БАНК В УЖГОРОДЪ

Пересилки доляров до Америки з дозволом Банковного Уряду виконує

ПОДКАРПАТСКІЙ БАНК В УЖГОРОДЪ

Переказы до Галичини, Польщъ и до других держав Европы и Америки виконує найвыгоднѣйше

ПОДКАРПАТСКІЙ БАНК В УЖГОРОДЪ

Америцкѣ десеквестраціѣ, асекураціѣ и компензаціѣ за померших в Америцѣ переводить

ПОДКАРПАТСКІЙ БАНК В УЖГОРОДЪ

За вкладки (льокаціѣ) ощадностей и капитала платить наш

ПОДКАРПАТСКІЙ БАНК В УЖГОРОДЪ

5%—6%.

Подорожну канцелярію, продаж желѣзнодорожных карточок на цѣлу територію Чсл. Республики и до всѣх сторон свѣта має

ПОДКАРПАТСКІЙ БАНК В УЖГОРОДЪ



Вже выйшовъ изъ печати

МОЛИТВЕНИКЪ

для греко-каeoцкого
◎ руського народа ◎

составленыи о. П. Котовичомъ.

Сей прекрасный, богатый змѣстомъ молитвенникъ мае 507 страницъ друку, шитый руками, оправленый въ полотно

—стоить лишь 7 Кч.—

Замовляти на адресу: Печатня ОО. Василіянъ въ Ужгородъ.

Уже появивса
Новый Шовный

ТРЕБНИКЪ

Старанами ОО. Василіянъ въ Жовквѣ выдано
обемистый дако очѣкваный

ТРЕБНИКЪ

Обнимаетъ 899 страницъ. — Находяться въ нимъ
всѣ четыри части: I. Таинства, II. Освашенія,
III. Благословенія, IV. Моленія на всакѣ потребѣ.
Двойный дрѣкъ: чорный и червонный. Форматъ дѣже
догодный. Ясныи переглаздъ, вѣкви читкѣ, выразнѣ.

Заказати можно найкраще черезъ монастырь

ОО. Василіянъ въ Ужгородѣ, Раковціа 8л. 52.

Цѣна понадѣкъ **100 Кч.** залежно отъ якости пе-
плетѣ: полотно, полвкожа и цѣла кожа. Кожда наша
церковъ новинна заосмотритися въ сей Требникъ,
такого же дако такъ красного не было и скоро не бude.

ПОСПѢШАЙТЕ!